



## Universitätsbibliothek Paderborn

**Vitis Aqvilonia seu Vitæ Sanctorvm Qvi Scandinaviam  
Magnam Arctoi Orbis Peninsvlam Ac præsertim Regna  
Gothorum Sueonumq[ue] olim rebus gestis illustrarunt**

**Vastovius, Johannes**

**Coloniæ Agrippinæ, Anno M.DC.XXIII.**

Poppo Episcopus. C.

**urn:nbn:de:hbz:466:1-38534**

POPO EPISCOPVS ET  
MARTYR FLORVIT  
ANNO CHRISTI 990.

IOANNE XV. Pontifice.

OTTONE III. Imperatore.

ERICO VICTORIOSO Rege.

**P**OPPO natione Frisius, seu ut alii volunt Danus, vir scientia & morum grauitate non inferior, quam nobilitate, multis in iuuentute peragratis regionibus multa vidit, audiuit & recensere potuit. Vnde tam Ottoni III. Imperatori quam Libentio Archiepiscopo Brem. charus & iucundus eusasit. Excitauerat ea tempestate Suenotto Rex Daniae parricida magnam in Christianos persecutionis procellam, nec legationibus aut muneribus ullis Archiepiscopilicet crebris sollicitaretur, flecti se passus est, vt vel minimum fero- citatis deponeret Christianisque redderetur amicior. Quin & bis à V an dalis captus, ludibrio habitus totiesq; à suis ingenti auri pondere redem- ptus neccum meliorem redemptore agnoscere voluit. Irratus igitur fu- rore Dominus tradidit eum in manus inimicorum eius ut disceret non blasphemare. Potentissimus enim Suenonum Rex Ericus à crebris contra Russos, Aestones, Liuones, Curetes, ac Danos victoriis cognomento Vi- ctoriosus collecto innumerabili Exercitu Daniam inuasit & cum Sue- notto nō à Deo derelicto congressus bello nauali, cum omnes essent Da- norum copiae contrita, Ericus Rex viator, Daniam subiectam ad mor- tem usque imperio suo rexit, Suenotto ergo regno depulsus dignam fa-ctis suis à Deo mercedem recepit.

Sed cum Ericus quoq; Paganus hostis Christianorum existeret, mis- fus est ad eum Poppe legatus Cæsarialis & Archiepiscopi Bremensis no- mine tum in Slevicensem ordinatus Episcopum, vbi de pace Christia- norum apud Principem multis expostulauit, magna populi fre- quentia in concionem euocata de religione Christi suscipienda disse- ruit, multa inferens ad conuellendam vanam veterum & superstitionis religionem, & ad fundandam & persuadendam solidam & veram Chri- sti doctrinam. Eo tum deuoluta est disputatio ut rebus potius quam verbis comprobaretur veritas: Cum enim Rex ac Regnicole suo more signum quererent; Ecce inquit Poppe ferrum in modum Chi- rothecæ fabrefactum cui manus cubito tenuis inseratur iubeo to- tum igniri spondeoq; portaturum me sine laſione in quem locum con- stitueritis, per virtutem Euangelii Iesu Christi & verae religionis eius.

Magna

Suenotto Rex  
Danie Christianorum im-  
placabilis ho-  
fis.  
Suevus captus  
& redemptus.

A Suenonum  
Rege Erico Vi-  
ctorioso Dania  
depellitur.

Poppe in Epi-  
scopum Slevi-  
censem ordina-  
tus.

*Miraculo fi-*  
*dem Christia-*  
*nā Danis infe-*  
*uit.*

Magna cupiditate accepta sponsione expectabant vniuersi ut impleret quod dixerat. Ille ignito ferro manum induit, & intrepidus sine vlla con- trictione vultus, aut significatione doloris deportauit, & Regis ante pe- des excuslit. Cernit inquit & colite virtutem IESV Christi cui parent e-lementa omnia, quippe qui fecit cælum & terram, & vniuersa qua illo- rum ambitu continentur. Nunc si quis assertor, veterum fidat religioni quam coluit, experiatur virtutem Dei sui quem adorauit. Alio æquè in- signi miraculo idem vir præclarus fidem populo nouellâ probauit. Tu- nicanam indutus ceratâ cum staret in medio populi circo, in nomine Do- mini præcipit incendi: ipse vero oculis ac manibus in cælum porrectis, liquantes flamas tam patienter sustinuit, vt veste prorsus combusta & in fauillam redacta, hilari ipse vultu nec fumum incendii se sensisse teſta- retur. Obstuþre omnes miraculorum nouitate conteriti, & mutire non audebant: quique ante refractarios fese præbuerant, in album fi- delium referri supplicarunt. Rex ipse, reliquiq; presentes sacri Baptisma- tis vndam salutarem ad vnum omnes (quorum multa fuere millia sub- ierunt, mansitque nomen Popponis per populos & Ecclesiæ in omnem posteritatem vbiue celebre.

*Rex Ericus cum*  
*gente conuer-*  
*tatur.*

*In Sueciam*  
*verbi divini*  
*nuncios ire per-*  
*mittit.*

*Poppo Brema-*  
*moritur.*

Ericus igitur cum suis in Dania conuersus & baptizatus, occasio- nem dedit prædicatoribus Dania expulsis in Suecioniam transeundi, qui magna fiducia verbum Dei Euangelizabant; Etsi non desint qui dicant Ericum post suscepitum Christi cultum, Ethnico ritus renouasse. Poppo verò promota fidei ac sanctitatis opinione iam domi forisque magnus, Archiepiscopo familiarissimus viriliter fidem Catholicam tutatus est, quo ad usque ætate confectus Bremæ carne deposita spiritum ad beato- rum sedes transmitteret. Anno Christi Millesimo Vndetricimo tec- pultus in sancti Petri æde principe.

*Deo scriptores rerum Sueticarum, Adam Brem. lib. 2. cap. 26. & 44. Abbas Stad pag. 109. hic assertit Popponem venisse in Daniam anno 974. Saxo Gram. lib. 10. qui vult eum post obitum Erici Victoriost eodem ad predicandum concessisse, postquam Sueno potitus fuit imperio, & sub eodem Suenone mortuum. Sed verius Adam Brem. vicinus temporibus Popponis à Liben- tio I. Archiepiscopo Bremen. missum in messem, & eodem cum Vnuano Libentii Successore tem- pore obiisse. Cepit autem Libentius Anno 989. atque tum rerum in Dania potiebatur Ericus; V- nuanus vero obiit anno 1029. Albertus Crantz. in sua Metrop. lib. 3. cap. 42. & lib. 4. cap. 3 & 8. Idem in sua Suecia lib. 5. cap. 12. Ioann. Magnus in sua Metrop. lib. 1. Siegeberius in Chron.*

ODIN-